

JAVNI POZIV ZA UČESTVOVANJE NA DANU OTVORENIH VRATA - PROJEKAT UNAPREĐENJA GEOPROSTORNE INFRASTRUKTURE I PROCJENE VRIJEDNOSTI NEKRETNINA

03.12.2025 09:16



FGU
Federalna uprava za geodetske i imovinsko-pravne poslove

U okviru planiranih aktivnosti Projekta unapređenja geoprostorne infrastrukture i procjene vrijednosti nekretnina (GIVE), Federalna uprava za geodetske i imovinsko – pravne poslove organizuje Dan otvorenih vrata koji će se održati u **ponedjeljak 22.12.2025. godine, u periodu od 10:00 do 14:00 sati u prostorijama Federalne uprave za geodetske i imovinsko-pravne poslove, na adresi Hamdije Kreševljakovića 96, Sarajevo.**

Svrha ovog događaja je približiti široj javnosti značaj GIVE projekta, koji je usmjeren na uspostavljanje i razvoj infrastrukture prostornih podataka kroz harmonizaciju, digitalizaciju i razvoj digitalnih platformi u skladu s INSPIRE direktivom, razvoj registra zgrada uz terensko prikupljanje podataka i uspostavu IT sistema, te razvoj sistema za masovnu procjenu vrijednosti nekretnina unapređenjem Registra cijena.

Također, u okviru projekta nastavlja se s aktivnostima usklađivanja podataka o nekretninama između zemljišne knjige i katastra prema podacima novog premjera, s ciljem osiguranja tačnijih i usklađenijih evidencija nekretnina.

Obzirom na to da je direktna komunikacija ključ uspješne provedbe, pozivamo sve zainteresovane građane, predstavnike struke, institucija i akademske zajednice da iskoriste ovu priliku za razgovor sa stručnjacima iz Jedinice za provedbu Projekta i informišu se o koristima koje Projekat donosi društvu, kao i da izraze svoja mišljenja i sugestije o aktivnostima i budućim planovima .

Napomena: Prilikom ulaska u službene prostorije osobe su dužne imati neki identifikacioni dokument.

